



UNIT KORPORAT DAN PERHUBUNGAN AWAM

MAKLUMAT MPJBT MELALUI AKHBAR UNTUK BULAN APRIL 2017

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	04 -2017/001	03.04.2017	Sinar Harian	Info MPJBT	Tiba-tiba pintu hati terbuka
2.	04-2017/002	04.04.2017	Sinar Harian	Info MPJBT	7,510 serta larian maraton waktu malam

RINGKASAN LAPORAN UNTUK BULAN APRIL 2017:

JENIS ARTIKEL	JUMLAH
ADUAN	0
INFO MPJBT	2
INFO PBT	0
JUMLAH	2



MAJLIS PERBANDARAN JOHOR BAHRU TENGAH

No. Daftar	:	03-2017/001
Tarikh	:	03.04.2017 (Isnin)
Jenis Akhbar	:	Sinar Harian
Jenis Artikel	:	Info MPJBT
Tajuk Artikel	:	Tiba-tiba pintu hati terbuka

'Tiba-tiba pintu hati terbuka'

Ibu tunggal ambil upah hantar anak jiran ke sekolah untuk sara keluarga

AZLINA OTHMAN

JOHOR BAHRU - "Tidak tahu kenapa tahun ini saya terbuka hati untuk mengambil upah hantar anak-anak jiran ke sekolah agama berhampiran, sedangkan sudah banyak kali mereka meminta tolong tetapi saya menolaknya," cerita Mirani Mahmod, 44.

Ibu tunggal enam anak dari Skudai ini baru sahaja kehilangan suami tercinta, Wan Mohamed Wan Hassan, 46, yang meninggal dunia akibat darah tinggi pada 29 Januari lepas.

Katanya, sebelum ini dia tidak pernah bekerja memandangkan perlu menjaga anak sulungnya berusia 21 tahun yang dilahirkan sebagai orang kurang upaya (OKU) kerana mengalami masalah

autisme.

"Pada tahun ini, tiba-tiba terbuka pula pintu hati untuk membantu mereka. Mungkin, tuhan bagi saya jalan untuk cari duit tambahan bagi membesarakan semua anak yang masih belajar dan saya sempat bekerja hampir tiga minggu sebelum arwah suami pergi buat selama-lamanya.

"Alhamdulillah, anak saya yang OKU seperti memahami dan bolehlah saya keluar bekerja sekejap pada waktu petang. Kalau lama-lama bimbang juga untuk tinggalkannya dan sebab itu saya tidak boleh bekerja di pejabat," katanya.

Beliau berkata demikian semasa menerima kunjungan Yayasan Penyayang Majlis Perbandaran Johor Bahru



Lee Tsee (tujuh, kiri) menyampaikan sumbangan kepada Mirani empat, kanan).

Tengah (MPJBT) sempena konvoi penyerahan bantuan kebaikan.

Majlis disempurnakan oleh Ahli Majlis Zon Taman

Seri Orkid, Wong Lee Tsee.

Menurutnya, sebelum ini hanya suaminya yang menyara mereka sekeluarga dengan bekerja sebagai

juru kimpal secara kontrak di Singapura dengan pendapatan hampir RM4,000 setiap bulan.

"Mahu harap upah saya

hantar anak-anak jiran ke sekolah tidaklah banyak kerana saya hanya dapat sekitar RM400 sebulan. Jadi, terpaksa guna duit simpanan yang ada memandangkan semua anak saya masih belajar dan memerlukan belanja yang tinggi selain perlu membayar duit sewa rumah sebanyak RM280 sebulan.

"Saya sedang memohon bantuan daripada Jabatan Kebajikan Masyarakat (JKM) serta baitulmal dan sehingga kini belum ada respons," katanya.

Dalam pada itu, Mirani turut mengucapkan rasa syukur kerana menerima bantuan kebaikan wang tunai berjumlah RM1,000 daripada Yayasan MPJBT, sekali gus membantunya meringankan beban yang ditanggungnya.





MAJLIS PERBANDARAN JOHOR BAHRU TENGAH

No. Daftar	:	03-2017/002
Tarikh	:	04.04.2017 (Selasa)
Jenis Akhbar	:	Sinar Harian
Jenis Artikel	:	Info MPJBT
Tajuk Artikel	:	7,510 sertai larian maraton waktu malam

Iskandar Puteri: Seramai 7,510 peserta termasuk 751 dari luar negara menyertai Iskandar Puteri Night Marathon 2017 (IPNM 2017) yang julung kali diadakan di Dataran Mahkota, Kota Iskandar di sini, Sabtu lalu.

IPNM 2017 yang diilhamkan Menteri Besar Datuk Seri Mohamed Khaled Nordin adalah acara larian maraton waktu malam bertaraf antarabangsa bertujuan mempromosikan Iskandar Puteri dan Johor ke peringkat dunia.

Ketua Pegawai Eksekutif Intan Jauhar Sdn Bhd Johari Abd Razak yang juga Setiausaha Sekretariat Penganjuran IPNM 2017 berkata, pada peringkat awal, jumlah penyertaan yang disasarkan adalah 5,000 peserta namun ia mendapat sambutan luar dugaan.

"IPNM 2017 membabitkan

7,510 sertai larian maraton waktu malam

kategori perlumbaan terbuka kepada semua peserta sejauh 42 kilometer (km), 21km dan 10km.

"Peserta juga dapat merasai pengalaman merentasi beberapa pusat tumpuan utama seperti Medini, Legoland dan Educity serta pelbagai tempat menarik di sekitar Iskandar Puteri sepanjang larian," katanya.

Peserta dilepaskan Pengerusi Jawatankuasa Belia, Sukan, Kebudayaan dan Warisan negeri Datuk Zulkurnain Kamisan.

Sepuluh pemenang bagi setiap kategori membawa pulang hadiah wang tunai dan trofi dengan jumlah keseluruhannya ialah RM53,000 selain cabutan bertuah berupa sebuah Perodua Bezza.



Pada masa sama, Johar berkata, acara berkenaan akan dijadikan acara rasm sukan dan pelancongan negeri ini.

"IPNM akan diwartakan sebagai acara rasmi tahunan anjuran kerajaan negeri Johor melalui Majlis Sukan Negeri (MSN) dengan kerjasama Intan Jauhar Sdn Bhd.

"Selain itu, IPNM 2017 turut membabitkan jabatan dan agensi lain seperti Jabatan Pelancongan Negeri Johor, Jabatan Belia Dan Sukan Negeri Johor, Yayasan Warisan Johor dan Majlis Perbandaran Johor Bahru Tengah (MPJBT) selaku penganggur bersama "Kami turut menerima sokongan daripada penaja rasm iaitu UEM Sunrise Berhad," katanya.

